

HE URI

Nā Doug Ruki

He uri au i,
He tātai whakaheke i a Hoturoa
Hotuope, Hotuāwhio, Hotumatapū
Nāna ko Mōtai, nāna ko Uetapu
Rakamaomao, Kākati
Nāna ko Tāwhao,
nāna ko Tūrongo
Ka moe i a Māhina-a-rangi
Puhi nō te rāwhiti,
te taitamawahine
Ko tā Te Kani kōrero
“Ehara a Hikurangi
[i] te maunga nekeneke”
Ka puta a Raukawa,
nāna ko Rereahu
Nāna ko Maniapoto
Nei rā ngā uri ō tāhuna-a-tara,
he kāwai rangatira
Tēnā te tatau,
Te Hokinga mai ki Te Nehenehenui
Te puihi nunui, te puihi roroa
He waikōhuahua
ko Te Waikōwharawhara
Te kūititanga o ngā hiwi e